

TEZAUUR LITURGIC

1 MAI

**ACATISTUL
SF. REGINE
TAMARA
A GEORGIEI
II**



TBILISI, 2000



დაუჯდომელი წმიდისა და კეთილმსახურისა მეფისა თამარისი

კონდაკი 1

დიდებულებაჲ შენი ვინ მიუთხრნეს, ზ, საკვრველ-
მაღალო კელმწიფეო, რამეთუ უფროჲს გონებისა
ჩუენისა აღმაღლდა ქებაჲ სათნოებათა შენთაჲ,
არამედ ურიცხვთა განსაცდელთა მიერ შეიწრებულნი
მოკვლტით წმიდისა ხატისა შენისა მომართ და
აღგძრავთ შენ ღმრთისა მიმართ მწედ და
შუამდგომელად, რადთა მოგუმადლოს ჩუენ ძლევად
ყოველთა საცთურთა ზედა და ღირს გვყოს შესხმად
და გალობად შენდა: *გიხაროდენ, წმიდაო,
კეთილმსახურო მეფეო თამარ!*

იკოსი 1

ეჰა, ვითარი დიდებულებაჲ შეგძინა შენ სიმკნემან,
სანატრელო, რამეთუ შემდგომად სიკუდილისა შენისა
მაუწყებელ-არს მოღუაწებათა, აწ დიდებული ვარძია
და ჳმა მაღლად ჰქადაგებს მეტეხი და ბეთანია
ლოცვათათჳს შენთა მკურვალეთა, ხოლო ჩუენ უწყით
რად ოხათა შენთა და მოწყალებათა სიმრავლჳ,
ყოვლითურთ თავსა ჩუენსა შევკედრებთ საღმრთოსა
საფარველსა შენსა და სიქუელისა შენისა

გულსმოდგინედ მომთხრობელნი აღმოვსთქუამთ
ქებულებათა შენთა:

გიხაროდენ, იესეს ნერგო, მორჩო დავითისაო;
გიხაროდენ, ხატო დედათა კდემამოსილებისაო;
გიხაროდენ, აღმოყუავილებულო რტოო სიწმიდისაო;
გიხაროდენ, დიდებაო ქუეყანისაო და
სარწმუნოებისაო;
გიხაროდენ, გამოუკვლეველო უფსკრულო
სიყუარულისაო;
გიხაროდენ, საღმრთოო საყვირო
მართლმადიდებლობისაო;
გიხაროდენ, უშურველო წყაროო მოწყალებისაო და
დაუშრეტელო ზღუაო კაცთმოყუარებისაო;
გიხაროდენ, კეთილშუენიერად აღმობრწყინვებულო
ქეშმარიტო მსახურო მაცხოვრისაო;
გიხაროდენ, წინამძღოლო და ჯუარისმტვირთველო
ერისა შენისაო და შემწეო მესიისაო;
გიხაროდენ, ზღუდეო და სიმტკიცეო ქრისტეს
ეკლესიისაო;
გიხაროდენ, ძალაო და დიდებაო მეფეთა სკიპტრისაო;
გიხაროდენ, საცნაურო მზეო, მნათობო ივერიისაო;
გიხაროდენ, წმიდაო, კეთილმსახურო მეფეო თამარ!

კონდაკი 2

სამარადისოდ დაჰნერგე რაღ გულსა შენსა შიში და
სიყუარული ღმრთისად, შეიმოსე მოწყალებად,
სიმშვედს და კრძალულებად, და ჰბადევდ ქცევასა
ღირსთა მათ მენელსაცხებლეთა დედათასა და დათა
ლაზარესთასა, აწცა მათ თანა ევედრე ღმერთსა,
სათნო იჩინოს აღორძინებად და განმრავლებად და
აღვსებად ჩუენდა ურთიერთასისა სიყუარულითა და
სიბრძნითა საღმრთოთა, რადთა კნინისა ამის
ცხორებისა ჩუენისა გზად კეთილად განვლოთ და
მარადის ვაქებდეთ მაცხოვარსა ჩუენსა
ქრისტესა: ალილოუია.

იკოსი 2

სიწმიდს შენი საღმრთოდ და გონებისა სიწრფოებად
იხილა რაღ დაფარულთა მეცნიერმან, გცხო შენ
საცხებელი სიხარულისად და თვთ-მპყრობელად
ივერიისა და ყოვლისა აღმოსავლეთისა დაგადგინა,
ხოლო შენ ძლევანი ყოვლად-დიდებულნი
საჭურველითა ცხოველსმყოფელისა ჯუარისადთა
წარმართენ და სამწყსოდ იგი, რომელი გერწმუნა,
კეთილ-მორწმუნებასა ზედა დაამყარე, ეგრეთვე აწ
ერი ჩუენი სიმკნით განაძლიერე და გზად იგი ჩუენი
სამეუფოდ კეთილად წარგვიმართე, რადთა სიბრძნითა

ვიდოდეთ გზასა ჭეშმარიტებისასა და
დაუცხრომელად გაქედეთ:

გიხაროდენ, ძირთაგან ღმრთისმსახურთა
აღმომორჩებულო და დავით წინაღსწარმეტყუელისა
შვლად ჩინებულო;

გიხაროდენ, სიწმიდითა აღზრდილო და
უზაკუველითა სარწმუნოებითა შეზღუდვილო;
გიხაროდენ, სიყრმით შენითგან სამეუფოთა ზეთითა
ცხებულო;

გიხაროდენ, მოწყალებითა განწმედილო და გულის
სიტყვთა განათლებულო;

გიხაროდენ, ცხორებითა სათნოთა და სიბრძნითა
საღმრთოთა განსრულებულო;

გიხაროდენ, სიკეთითა და კაცთმოყუარებითა
განბრწყინვებულო;

გიხაროდენ, სიტურფითა და შუენიერებითა
აღმატებულო;

გიხაროდენ, სამშობლოთა ქუეყანისა სიყურულითა
აღგზებულო;

გიხაროდენ, ღმრთისმშობლის წილხვედრი ერისა
მწყსად და მფლობელად მოვლინებულო;

გიხაროდენ, დიდთა მათ ღუაწლთა შენთა
სიმტკიცითა შემკულო;

გიხაროდენ, მამულისა ვენახისა კურთხეულისა
მუშაკო დაუცხრომელო და უფლისა მიერ სუე-

ამაღლებულო;

გიხაროდენ, თარგამოსიანთა მეფედ და წინამძღურად
წოდებულო;

გიხაროდენ, წმიდაო, კეთილმსახურო მეფეო თამარ!

კონდაკი 3

ანგელოზებრ შუენიერ იყავ ხატითა და სავსწ
სიბრძნითა, ჟ, მეფეო, ქრისტესა შედგომილო, და
გონებაჲ შენი განსწმიდე წვრთითა საღმრთოთა
წერილთაჲთა და ლოცვითა მკურვალითა, ხოლო
ჯორჯი განკაფე შენ მარხვითა, მღვდარებითა და
ხმელთა ზედა წოლითა, და განბრწყინდი სათნოებათა
ელვარებითა, ამისთჳსცა აღგძრავთ მეოხებად
ღმრთისა მიმართ, მოიხილოს ჩუენ ზედა, რომელთა
არა გუაქუს სიტყჳსგებაჲ წინაშე მისა, და აღგვაგოს
მღვდარებითა საღმრთოჲთა, რაჲთა ვეველტოდეთ
რისხვასა ღმრთივადმრულსა და ვაქებდეთ იესუს,
ყოვლად ძლიერსა ღმერთსა: ალილოუია.

იკოსი 3

მღვდარე მწყემსად გამოუჩნდი ერსა შენსა, მეფეთა
შორის ღუაწლისა მძლეო თამარ, და მსწრაფლ
შეჰკრიბნე ყოველნი კაცნი სამღდელონი და შჯულისა
მეცნიერნი გამოძიებად კეთილისა და განგდებად
დრკუდსა, და კრებაჲ იგი, ვითარცა დედაკაცმან,

დაუტევე კრძალვთა, ხოლო ესმენს რაჲ სიტყუანი
შენნი ყოვლად სანატრელსა კრებულსა მამათასა,
ღმრთისმოყუარებითა სულისა შენისადთა განიხარეს,
და ვითარცა თანა-შემწესა კრებისასა, ქებაჲ საცნაური
შეგასხეს:

გიხაროდენ, ქართველთა მზეო მრავალ-მნათობო,
ცისკრითა კეთილმსახურებისათა ყოველთა
განმაცისკრებელო;

გიხაროდენ, მართლმადიდებელთა ეკლესიისა
ლამპარო, უგულისცმოებისა ბნელისა განმდევნელო;

გიხაროდენ, სოფლისა ღელვათაგან შერყეულთა
გულთა ღმრთისმოსავობასა ზედა განმსწავლელო;

გიხაროდენ, ცრუ სარწმუნოებისა მცნედ
განმბასრველო;

გიხაროდენ, ტყვეობისაგან და მძლავრთა მონებისაგან
მრავალთა სულთა გამომცხნელო;

გიხაროდენ, მუშაკთა ნაყოფიერმოფელო და
გლახაკთა გამომზრდელო;

გიხაროდენ, გარეგან ცხოვართადთა მოსილთა და
შინაგან მგელ-ღმრთისმსახურთა დამამცობელო და
განმთხეველო;

გიხაროდენ, სიმართლისა მოძულეთა და ბოროტისა
კეთილად დამდებთა მარცხვენელო;

გიხაროდენ, შეცდომილთა გზასა ზედა
ქეშმარიტებისასა მომაქცეველო;

გიხაროდენ, განძნებულთა მკეცთა გულებისა
მომალბობელო;

გიხაროდენ, მძლავრთა კაცთ-მოდულეთა მთავართა
და მსაჯულთა მამხილებელო და მათ მიერ
უსამართლოდ დევნულთა მწყალობელო;

გიხაროდენ, განკრძალულთა მღდელთა და
მონაზონთა მსწრაფლ შემწეო და კელისადმკყრობელო;
გიხაროდენ, წმიდაო, კეთილმსახურო მეფეო თამარ!

კონდაკი 4

ხვდოდი რად მცნებათა ღმრთისათა და სამართალთა
მისთა, მოგანიჭა შენ გული გონიერი და ბრძენი,
გულისცმის-ყოფად კეთილისა და ბოროტისა, და
შენცა სირცხვილითა აღავსენ ორგულნი ერისანი და
ყოვლითა უპატიოებითა, ეგრეთცა კადნიერებაჲ მათი
შეჰმუსრე, რომელნი უღმრთოებით აღჭურვილ არიან
მართლმორწმუნეთა ზედა, და გვკენ ყოვლისაგან
ვნებისა ბოროტთა კაცთაჲთა, რადთა ყოველთა
მართლმორწმუნეთა კეთილად განგუემარჯვოს და
ლოცვაჲ ჩუენი შეწირულ იქმნას წინაშე
ღმრთისა: *აღილოუია.*

იკოსი 4

ეჰა, ვითარ ჭეშმარიტ საღმრთოდ და საკვრველ არიან
საქმენი შენნი, მკნეო დედოფალო, რამეთუ

ღმრთისმსახურებასა და კრძალულებასა შინა
საწუთოდ სამეფოდ არა დაუტევე განუგებელად,
არამედ უზესთაეს ყოველთა მეფეთა და ბრძენთა
კეთილად განაგე და განაჩინე, და წარემატე
დიდებითა და განმარჯუებითა, ხოლო ერი შენი,
მადლიერი ღმრთისა მიმართ ყოვლად მოწყალისა,
დიდებასა შენსა მიუთხრობდა ყოველთა და ესრეთ
გნატრიდა განათლებულსა და ყოვლად ქებულსა:

გიხაროდენ, ყუავილო შუენიერო, დავითისა
ბრწყინვალისა მტილისაო;

გიხაროდენ, დაუშრეტელო წყარო ღმრთეებრივისა
სიბრძნისაო;

გიხაროდენ, ზეციერთა მადლითა
განბრწყინვებულო, თაყუანისმცემელო მესიისაო;
გიხაროდენ, მოუწყვლელად დამცველო მართლისა
სარწმუნოებისაო;

გიხაროდენ, შეურყეველო გოდოლო ჭეშმარიტისა
მსჯავრისაო;

გიხაროდენ, ტკბილად მზიდველო საღმრთოდსა
უღლისაო;

გიხაროდენ, საღმრთოო მუშაკო ქრისტეს ვენახისაო;

გიხაროდენ, ფარო, დამცველო კეთილმსახურებისაო;

გიხაროდენ, მახვლო, განმკვეთელო
ბოროტმსახურებისაო;

გიხაროდენ, ტკბილო და სახიერო ნუგეშო

ქართველთა ერისაო;
გიხაროდენ, დიდებაო და ძლიერებაო მამულისა
ჩუენისაო;
გიხაროდენ, მიურულებელო მცველო და
განმაძლიერებელო ივერიისაო;
გიხაროდენ, წმიდაო, კეთილმსახურო მეფეო თამარ!

კონდაკი 5

სიყუარული და სიქველწ, ვითარცა პორფირი
შეგემოსნეს შენ, ღმრთისმოყუარეო ცხებულო
უფლისაო, და განკსენ რად საუნჯენი მამა-პაპათა
შენთან, კელ-ჰყავ წყალობად და შეწყნარებად, რომელ
არა სადა ვის ეხილა, ხოლო განიცადა-რად ერმან
შენმან დედობრივი გულმოწყალებად შენი,
სიცოცხლეშივე განგადიდა და არცალა დასცხრებოდა
გალობად ღმრთისა: ალილოუია.

იკოსი 5

მოხედნა რად იესუმ წყალობითა დედისა თჳსისა წილ-
ხვდომილსა ერსა ჩუენსა, გარდამოგივლინა ძალი,
სიმკნწ და მძლეველობად ყოველთა მაჭირვებელთა
ზედა, ვითარცა ღმრთისმოყუარესა პაპასა შენსა
დავით აღმაშენებელსა, და შენცა ერთგულებისათჳს
მამულისა და მშჳდობით დაცვისათჳს ერთა თჳსთა
მისებრვე განაქარვნე სივერაგწ ორგულთაჲ და

მტერთაჲ, აწცა ნუ დასცხრები ერისა შენისათჳს წინაშე
ქრისტჳს მკსნელისა, ვიდრე აღსრულებადმდე
საუკუნისა დაიცვას ივერიაჲ და ერი ივერიისაჲ,
რადთა სიყუარულითა და მშჳდობითა ვცხო-
ნდებოდეთ და ვჰგალობდეთ სარწმუნოებითა:

გიხაროდენ, სულისა აზნაურებისა დამმარხველო;

გიხაროდენ, მაცთურისა აღისა და საფრხეთა მისთა
ცრემლითა დამშრეტელო;

გიხაროდენ, მრავალსახეთა ჭირთა და მწუხარებათა
ახოვნად დამთმენელო;

გიხაროდენ, ღმრთივგანბრძნობილთა გონებათა
დამატკბობელო;

გიხაროდენ, ერისა შენისა ღირსებისა დამცველო;

გიხაროდენ, განსაცდელთა და ღელვათა
დამაყუდებელო;

გიხაროდენ, ჭეშმარიტებითა სიცრუვისა
დამარღვეველო და რისხვისა საღმრთოჲსა
დამაყენებელო;

გიხაროდენ, მძლავრთა ამჰარტავნებისა და ეშმაკისა
საცთურისა დამთრგუნველო;

გიხაროდენ, ივერიელთა მტერობისთჳს ყოველთა
შემადრწუნებელო და დამამდაბლებელო;

გიხაროდენ, მრავალშეთხზულთა მათ მანქანებათა
მტერისაჲთა დამკსნელო;

გიხაროდენ, ურჯულოთათჳს შიშის ზარისა

დამცემლო;

გიხაროდენ, ისმაიტელთა ქედმაღლობისა

დამამცრობელო;

გიხაროდენ, წმიდაო, კეთილმსახურო მეფეო თამარ!

კონდაკი 6

ვერ შეგიტყუა შენ საშუებელმან ამის საწუთოდსამან,
და ვერცა გზრგზნმან და სკიპტრამან დიდებულმან,
ვითარ იგი მეფენი მრავალნი, არამედ ზენაძსა
დიდებისა მოსურნემან, ქუენაძცა ესე დიდებაჲ
უხუებით მიიღე აღთქმისაებრ უფლისა, ნუ
დასცხრები ვედრებად მისსა მიმართ, ულხინოს
ნათესავსა ჩუენსა და კუალად მოგუანიჭოს მწყემსი
სარწმუნოდ და მკნწ, რადთა ჰსწავლიდეს და
წარუმართებდეს სჯულდებულსა ერსა, შვლად
ღმრთისა გამორჩეულსა, და მარადის მსხუერპლსა
ქებისასა შესწირვიდეს ღმერთსა: ალილოუია.

იკოსი 6

იურვოდეს რად შობისათჳს მემკვდრისა, არა მიგიშუეს
ნებად შენდა, ყოვლად უწადინელი ქორწინებისად, და
გამოირჩიეს რად მკნწ დავით, მეფეთა გვარისად,
ვითარ იყო ხუედრი და რიგი შარავანდედობისა
შენისად, ღმრთივბრწყინვალესა თავსა შენსა დაგადგეს
გზრგზნი პატიოსანი მეუღლეობისად, ხოლო ერი შენი

სიხარულითა განსცხრებოდა, და ვითარცა ყოვლად
ბრწყინვალესა მნათობსა სოფლისასა, ერთ-ჯმობით
გიგალობდა:

გიხაროდენ, მწყემსო კეთილო საღმრთოთა
სამწყსოთაო;

გიხაროდენ, მსგავსად სოლომონისა სიბრძნითა
სავსეო და მსაჯულო მართლ-განგებითაო;

გიხაროდენ, ზეცით მონიჭებულო სიმტკიცეო
მართლმადიდებელთაო;

გიხაროდენ, რჩეულო ჭურო სათნოებათაო;

გიხაროდენ, სავანეო კეთილთა საქმეთაო;

გიხაროდენ, შემწირველო ეკლესიათაო;

გიხაროდენ, კეთილისმყოფელო სამღდელოთაო;

გიხაროდენ, აღმაშენებელო ქსენონთაო და მკურნალო
სნეულთაო;

გიხაროდენ, მოწყალეო გლახაკთაო და განმკითხველო
ქურივთა და ობოლთაო;

გიხაროდენ, მართლმსაჯულო უღონოთაო და შემწეო
უძლურთა ქუე-მდებარეთაო;

გიხაროდენ, ჭირთა შინა ურცხვენელო ჯელის-
აღმპყრობელო და მეოხო მომწოდებელთა შენთაო;

გიხაროდენ, გვრგვნო და დიდებაო ღმრთისმსახურთა
მეფეთაო;

გიხაროდენ, წმიდაო, კეთილმსახურო მეფეო თამარ!

კონდაკი 7

ოდეს ძილსა შინა ჩუენებითა იხილე სამოთხისა
შუებად, და ტახტი ბრწყინვალე, შემკული
თუალთაგან მრავალსასყიდლისადათა, მიისწრაფდი
დაბრძანებად მას ზედა, არამედ არა მიგიშუა კაცმან
ვინმე, ნათელ-მოსილმან და ესრეთ მკმობარემან:
„მკვეალისა შენისა არს, დედოფალო, რამეთუ
სამოსელნი ათორმეტისა მღდლისანი ჳელითა თჳსითა
შესთულა“, მაშინ ესრეთ აღასრულე შენცა, და
მოიხუენ რად ზეცისა იგი უხრწნელნი სამოსელნი,
კრებულსა თანა წმიდათასა მარადის უღაღადებდ
ღმერთსა: ალილოუია.

იკოსი 7

ყოველსა ქუეყანსა განეფინა დიდებული და
საკვრველი სახელი შენი, მეფედ ცხებულო
დედოფალო, რამეთუ დედობრივისა მის ბუნებისა
უძლურებითა მამაკაცებრ ილუაწე, და შენდამი
რწმუნებულნი ერნი და სამეფონი გარემოცულთა
განსაცდელთაგან უშიშად დაიცევ, ხოლო საზღუარნი
საქართველოდსანი, სპერითგან დარუბანდამდის
უფროდს განავრცენ, და ტაძარნი და მონასტერნი, არა
მხოლო მამულსა შენსა, არამედ ყოველთა წმიდათა
ადგილთა სადიდებელად ღმრთისა აღაშენე და
წყალობითა დიდითა აღავსნე, აწცა ნუ განგვაშორებ

შეწევნასა შენსა და ერი ჩუენი, ქრისტჳს მოსახელჳ,
ძალითა მისითა დაიფარე, რადთა უვნებელად
დაცულნი ვიქადდეთ და ვკმობდეთ:

გიხაროდენ, კეთილმსახურებისა ნათლითა ბნელთა
შინა დაშთომილთა სულთა განმანათლებელო;
გიხაროდენ, მრავალთა წყლულებათა განმკურვნელო;
გიხაროდენ, ამბოხისა და ბრძოლისაგან
განმარინებელო;
გიხაროდენ, ცრუმორწმუნეობისა საცთურისა
განმაქარვებელო;
გიხაროდენ, ნელ-ტფილისა სარწმუნოებისა
განმაცხოველებელო;
გიხაროდენ, მადლითა საღმრთოდთა უმეცართა
განმაბრძნობელო;
გიხაროდენ, ქედფიცხელთა და გონებაურჩთა
განმსწავლელო;
გიხაროდენ, განწირულთა სიკუდილისაგან
გამომკსნელო;
გიხაროდენ, უსჯულოებისა სიმყრალისა
განმწმედელო;
გიხაროდენ, მტერთა ძვრის-ზრახვისა განმდევნელო;
გიხაროდენ, კელთა შენთა ნალუაწითა ხუცესთა და
უპოვართა გამომზრდელო;
გიხაროდენ, დიდებულისა მის კელთუქმნელისა ანჩის

ხატისა შემამკობელო და განმაშუენებელო;
გიხაროდენ, წმიდაო, კეთილმსახურო მეფეო თამარ!

კონდაკი 8

მეფობაჲ შენი ღმრთივკურთხეული განადიდე
საღმრთოთა მოქალაქობითა და შეამკევ კეთილითა
საქმითა, ხოლო ცხორებაჲ შენი განაშუენენ
მოთმინებითა და სიმდაბლითა, ამისთჳსცა დაადგა
ღმერთმან თავსა შენსა გზგზნი დიდებისაჲ და
განამტკიცა კეთილდღეობაჲ ერისა შე-ნისაჲ, ეგრეთვე
აწ მოგვფინე მაღლი ლოცვისა შენისაჲ და მოგუანიჰე
შენებრი მჭურვალეობაჲ სარწმუნოებისაჲ, სიყუარული
მოყუასისაჲ და საღმრთოდ მოშურნეობაჲ მამულისაჲ,
რადთა დღითი დღე ვილუწიდეთ სადიდებელად
ღმრთისა და ვაქებდეთ ძალსა მისსა: ალილოუია.

იკოსი 8

დაცემულეობაჲ უპოვარებისაჲ და შიმშილითა
მოყმობაჲ მსწრაფლ ეწია ალექსი კეისარსა, დაივიწყა
რად შიში ღმრთისაჲ და შენ მიერ ნაბოძები დიდძალი
საფასჴ წარსტაცნა მონაზონთა შავისა მთისასა,
რამეთუ ბუნებითი იგი მართალი გულისწყრომაჲ
აღგეძრა წყალობისმოყუარესა, და კუალად
წარუგზავნე რად უმეტესი განძი მოწესეთა, წარულე
ტრაპიზუნტი და ლაზია ანგარსა კეისარსა, და

სამართლად მიანიჭე ალექსი კომნენოსსა, ვინაჲცა
მადლი შესწირა ღმერთსა, რომელმანცა მოსცა მას
ეგევითარი შემწჳ და მფარველი, და გნატრიდა
ღუაწლსა შინა სახელოვანსა და სანატრელსა:

გიხაროდენ, აბრაჰამის უცხოთმოყუარებისა
მიმბაძველო;

გიხაროდენ, ცოდვის მოყუარეთა კაცთათჳს
თავშეკავების სიტკბოებისა მასწავლელო;

გიხაროდენ, სივერაგისა მომძულეებელო და
ფიცხელთა გულთა მომაღბოებელო;

გიხაროდენ, კაცთა მამულად სამსახურებელად და
წესიერებად მომყვანებელო;

გიხაროდენ, მართლმორწმუნეთა საჭურველო და
აღბორგებულთა ღმრთისმოდულეთა მძლეველო;

გიხაროდენ, ურცხვთა მედგრობისა დამცხნელო და
მკდომთა და განლაღებულთა დამცემელო;

გიხაროდენ, ბორგნეულთა შემაბრკოლებელო და
გრძნეულთა უგულისცმოებისა დამშრეტელო;

გიხაროდენ, პატიოსნებისა და მამაცობისა
დამნერგველო;

გიხაროდენ, უსჯულოებისა მომქმედთა ერის
მთავართა და წინამძღოლთა შემრისხველო;

გიხაროდენ, სიწმიდისა შემბილწველთა და
ქრისტიანობისა განმრყვნელთა ზარდამცემო;

გიხაროდენ, „ტრაპიზუნტის იმპერიის“ დაფუძნებითა

სამზღუართა ქუეყანისა შენისადთა დამცველო;
გიხაროდენ, სამეფოჲსა შენისა ზედა დასხმისაგან
მტერთაჲსა დამფარველო;
გიხაროდენ, წმიდაო, კეთილმსახურო მეფეო თამარ!

კონდაკი 9

ვითარცა შესწირნა ყელსაბამი ოქროჲსა გელათს,
ხახულისა ღმრთისმშობელსა, ოდეს ღმრთისა მიერ
მიენიჭა დიდგორს „ძლევაჲ საკვრველი“ დავით
აღმაშენებელსა, ეგრეთვე შენ, ზეგარდამო ძლევისა
მომღებელმან შამქორს, წარგზავნე მუნცა დროშაჲ
ხალიფასი და სამკაული ოქროჲსა, კელითა შალვა
ახალციხელისა, და ღმრთისმშობლისა მიმართ
იამბიკოჲსა მიმძღუნელმან, სამ-წმიდაარსობისა
გალობაჲ შესწირე ღმერთსა: ალილოუია.

იკოსი 9

არად შერაცხენ ქადებანი უსჯულოჲსა მის რუქარდინ
სულტნისაჲ და არცა-ღა შეშინდი მძლავრთა
სიქადულსა, არამედ ლოცვითა მჭურვალითა
შეჰვედრე სოსლან დავით და სპაჲ მისი ვარძიისა
ღმრთისმშობელსა, და წარიხადენ რაჲ სამოსელი
ფერჯთანს, ცრემლთა ნაკად-დენითა წარუძღ
ლაშქარსა ბასიანსა, ხოლო ვიდრემდის მიიწივნეთ,
აღხვედ გორაკსა უმაღლესსა და აკურთხევდი

დროშასა სვიანსა და ლაშქარსა უებროსა, ეგრეთვე აწ
აღგძრავთ მეოხებად ღმრთისა მიმართ, რადთა არა
მოაკლდეს ქუეყანასა ჩუენსა მთავრობად ნათესავთა
შენთა, კურთხეულთა და მირონცხებულთა, და ესრეთ
გიგალობთ განათლებულსა და ყოვლად ქებულსა:

გიხაროდენ, უტკბილესითა ბაგითა
ცხოველსმყოფელისა წყლისა აღმომადინებელო;
გიხაროდენ, შეცთომილთა და დაცემულთა
მეყსეულად აღმადგინებელო;
გიხაროდენ, ბომონთა დამცემელო და კერპთა
ძირითურთ აღმომფხურელო;
გიხაროდენ, ყოველგვარ ბოროტთა ზნე-ჩუეულებათა
და ბიწიერებათა აღმხოცველო;
გიხაროდენ, ქრისტწსმოყუარისა მკედრობისა
აღმამაღლებელო;
გიხაროდენ, ერთგულთა შემყუარებელო და
ორგულთა დამამდაბლებელო;
გიხაროდენ, კლდეთა ზედა მაღალთა და ადგილთა
მათ წმიდათა ეკლესიათა და მონასტერთა აღმგებელო;
გიხაროდენ, მტერთაგან შეუვალთა და
უბრძოლველთა გოდოლთა და ციხე-ქალაქთა
აღმმართველო;
გიხაროდენ, გულითა დაზრქელებულთა
სიყუარულად აღმძრველო;
გიხაროდენ, სანთელო, გონიერთა განმანათლებელო

და უგუნურთა დამწველო;
გიხაროდენ, ცრემლთა შენთა ნაკადულითა
ურიცხუთა მტერთა დამნთქმელო;
გიხაროდენ, დაუცადებელითა ლოცვითა ბრძოლათა
უბრძოლველად დამარღვეველო;
გიხაროდენ, წმიდაო, კეთილმსახურო მეფეო თამარ!

კონდაკი 10

ჟ, ძლიერებაჲ კაცთმოყუარისა ღმრთისაჲ, რომელმან
წყალობითა მოხედნა მკურვალესა ლოცვასა შენსა და
უღმრთონი ბარბაროსნი და ურწმუნონი აგარიანნი
დაამდაბლა ქუეშე ფერკთა ქრისტეანეთასა, ხოლო
სამეფოჲ შენი შეუხებელად დაიცვა მტერთა წყობათა
და ზედა მოსლჳსაგან და ცრემლით დაღტობილი
მადლობასა შესწირვიდი ღმერთსა, მას ევედრე
მოგვცეს სიბრძნე და სიმტკიცე დათრგუნვად
მანქანებათა მტერისაჲთა, რადთა არა ჰსთქუან
მოძულეთა ჩუენთა, სადა არს ღმერთი იგი მათი,
რომლისა მიმართ აქუთ სასოებაჲ, და ვაქებდეთ
განმადლიერებელსა შენსა: ალილოუია.

იკოსი 10

მარჯუენე მადლისაჲ შემწე გექმნებოდა, მკნეო
ჯელმწიფეო, და განცხადებულად ყოფდა ძლევათა
საკვრველთა შენზედ აღძრულთა მტერთა ზედა,

რამეთუ თვთ იგი უსჯულოდ მსახური სულტნისად
ძრწოლით ღაღადებდა, თუ ვითარ-ყო
მთავარანგელოზმან ძლევად მათ ზედა, მაშინ შიში და
ზარი სიწმიდეთა შენთად მიეფინა მეფეთა და
მრავალთა ერთა, ვითარცა მძლავრებად
წინააღუდგომელისა კელმწიფისად, რომელთა თანა
ჩუენცა ღმობიერად შეუვრდებით პატიოსანსა ხატსა
მიქაელ მთავარანგელოზისასა და მოგიძლუნით შენ
სამადლობელსა ქებისასა:

გიხაროდენ, ქურივობისა შენისა ანა
წინასწარმეტყუელისამებრ კრძალულებითა
დამცველო;

გიხაროდენ, მამულისა ტრფიალებისა მასწავლელო;
გიხაროდენ, მამა-პაპათა საქმეთა კეთილად
წარმმართველო;

გიხაროდენ, მხოლოო მართლმადიდებელთა სპათა
ახოვან-მყოფელო და მწყალობელო;

გიხაროდენ, სასოებითა მტკიცითა წინააღმდგომთა
სიბოროტისა წარწყმედელო;

გიხაროდენ, ქრისტეს მოძულეთა აგარიანთა თავ-ზარ-
დამცემო და მძლეველო;

გიხაროდენ, დავითის ძლევისა ბრწყინვალეო
აღმადგინებელო;

გიხაროდენ, გორგასლიანურ-დავითიანურისა
დროშისა უფროდს აღმამაღლებელო;

გიხაროდენ, მოყუასთა შემაერთებელო და მტერთა
დამლახურელო;

გიხაროდენ, ძმათ-უყუარულთა და ანგარ-
მომხვეჭელთა მამხილებელო და ძლიერად დამთრ-
გუნველო;

გიხაროდენ, კეთილკრძალულთა დედაკაცთა
მაკურთხეველო და ბილწთა და უგუნურთა
მარცხვენელო;

გიხაროდენ, ყოველთა ერთა და ტომთა, შენდამი
რწმუნებულთა აღმაორძინებელო;

გიხაროდენ, წმიდაო, კეთილმსახურო მეფეო თამარ!

კონდაკი 11

ესმათ რად ქართველთა სენთაგან განლუეულობად შენი,
მარადლე ლოცულობდენ წადიერებითა, გარნა ფუჭ-
იქმნა ყოველივე გამომეძიებელობად მკურნალთა
ხელოვანებისად, რამეთუ განჩინებად წინააღუდგომელ
იყო, ხოლო მწოდებელი კართა ზედა დგა, ვითარმედ
არა ღირს-ვე იყო, არა თუმცა საქართველოდ ოდენ,
არამედ ყოველნი ქუეყანანი მეფობასა შენსა,
ამისთჳსცა შენ მიერ მადლმოსილსა ნუგეშინისცემასა
და შეწევნასა ვსასოებთ და საღმრთოსა ამას გალობასა
შევსწირავთ ღმერთსა: ალილოუია.

იკოსი 11

წყლულებათა მიერ უკურნებელთა, ვითარცა იობ განიცადე და მწთოლვარითა ჳმითა შემოუწოდე რაჲ წარჩინებულთა, წინაშე ხატსა უფლისასა და ჯუარსა ცხოველსმოფელსა აკურთხე და ევედრე ყოველთა, რაჲთა მარადის კეთილთა შინა იყვნენ მაჳსენებელად შენდა, ხოლო მადლობდი რაჲ ქრისტესა, შეჳვედრე სამეფოდ და სული შენი უბიწოდ, და შეერთე ანგელოზთა კრებულსა, მაშინ ღუაწლმრავალი ნემტი შენი დაკრძალეს გელათს ცრემლთა უხუად დინებითა, და ვითარცა კურთხეულსა დედასა ქართველთასა, მოგართვეს სამადლობელი ესე ქებისად:

გიხაროდენ, თარგამოსიანთა ნათესავისა ერთ-ზრახვად, ერთ-სულად და ერთ-ნებად შემკრველო; გიხაროდენ, ბოროტმადიდებელთა შემრისხველო და ყოველთა მართლმორწმუნეთა ნუგე-შინისმცემელო; გიხაროდენ, ქუეყანისა შენისა აღმაყუავებელო და ერისა შენისა განმაფხიზლებელო; გიხაროდენ, საღმრთოთა ღუაწლითა შენითა უკორცოთა წესთა განმაკვრვებელო; გიხაროდენ, ქრისტეანეთა მეფეთა შარავანდედისა განმაბრწყინვებელო; გიხაროდენ, წარმავალისა დედოფლობისა წილ,

წარუალისა ნათლისა მომღებელო;
 გიხაროდენ, წმიდათა თანა სავანე ქმნილო და
 გზრგზნითა ძლევისაჲთა შემკობილო;
 გიხაროდენ, დიდებულსა მწყობრსა სჯულისა და
 ქუეყანისათჳს დამშურალთა მეფეთასა შეერთებულო;
 გიხაროდენ, ცათა შინა და ქუეყანასა ზედა
 განდიდებულო;
 გიხაროდენ, მვედრებელთა მიმართ წყალობით
 მიდრეკილო და ცხონებისათჳს ჩუენისა მზრუნველო;
 გიხაროდენ, ღმრთისმოყუარეთა გულთა შინა
 მადლისმიერისა სიხარულისა მიმფენელო;
 გიხაროდენ, ახოვნებითა სულისაჲთა სულმოკლეთა
 და დაკსნილთათჳს მაგალითისა მიმცემელო;
გიხაროდენ, წმიდაო, კეთილმსახურო მეფეო თამარ!

კონდაკი 12

ვითარცა ივსენ ქუეყანაჲ შენი და ყოველი
 მართლმადიდებელი ერი გარემოცულთა
 განსაცდელთაგან და აღავსენ სიხარულითა
 საღმრთოჲთა, ეგრეთვე აწ დაამკუნე მაჰირვებელნი
 ჩუენნი, რომელნიცა მტრობენ ღუაწლ-დიდებულსა
 ერსა შენსა, ვიდრე ჟამადმდე დამდაბლებულ-
 დაწუნებულსა, და ოხითა შენითა მივსენ ვნებათაგან
 სულიერთა და სენთაგან ჳორციელთა, რაჲთა შენებრ

ღირსებითა და სიმართლითა ვემსახუროთ მამულსა და ვადიდებდეთ ღმერთსა: ალილოუია.

იკოსი 12

უწყით რად ოხათა შენთა და მოწყალებათა სიმრავლჳ, ყოვლითურთ თავსა ჩუენსა შევკედრებთ საღმრთოსა საფარველსა შენსა, და გეკედრებით: გარდამოიხილე ზეცით სამკჳდრებელსა ქართველთასა და მკჳდრსა მას ზედა ერსა ჩუენსა მართლმადიდებელსა, რამეთუ ურიცხუნი მტერნი, მოყუარენი შფოთისანი ჩუენ ზედა აღჰსძრუენ ბრძოლასა დაუმშვიდებელსა, და ვერცალა ძალ-გვიძს წინა-აღდგომად მათთა, არამედ გჴკსენ შენ საფრჴეთა მათთაგან მეოხე-ბითა ღმრთისმშობელისაჲთა, რაჲთა არა დასათრგუნველ ვიქმნეთ მარბიელთა უცხოთა ტომთა და ნათესავთაგან, და შენმიერითა ძლიერებითა სულისაჲთა შეჴურვილთა აღვალოთ პირნი გალობად შენდა:

გიხაროდენ, ასულო ზაგრატოვანთა სახლისაო, რომელსა გერწმუნა საყდარი დავითისი და ბეჴედი სოლომონისი;

გიხაროდენ, ბუნებითა ტკბილო და მრავალმოწყალო, რომელმან უწინარეს ყოველთა აღხოცე სიკუდილითა დაშჴად და ასოთა მოკუეთაჲ;

გიხაროდენ, კეთილმსახურებისა წინამბრძოლო,

რომელმან ასწავე მრავალთა მამათა და დედათა წესი
მეუღლეობისაჲ და საზომი სიკეთისაჲ;

გიხაროდენ, სამეფოჲსა შენისა ანგელოზო, მფარველო,
რომელმან შემუსრე ყოველნი მტერნი და მბრძოლნი,
მომავალნი აღმოფხურად ენისა და ერისა ჩუენისა
საყოფელთაგან მისთა;

გიხაროდენ, ძლევითა და განმარჯუებითა აღსავსეო,
რომელმან სირცხვლეულ-ყვენ ყოველნი მტერნი
ღმრთისანი;

გიხაროდენ, უცხოჲსა სიმდაბლისა მუშაკო, რამეთუ
ანგელოზთა გიხილეს რაჲ მძლედ ჭემმარიტად,
განკვრეებულნი იტყოდეს: დაეცა, დაეცა მტერი
დედაკაცისაგან და გვრგვნოსან გამოჩნდა მოღუაწჳ
ქრისტჳსი;

გიხაროდენ, სჯულისა შეუგინებლობისათჳს
დამაშურალო, რომელსა პატიოსანისა მის გვრგვნისა
წილ დაგედგა შვდ-გზის უპატიოსნესი გვრგვნი
ზეცისაჲ;

გიხაროდენ, სძალო ქრისტჳსო უძლეველო, რამეთუ
შუებასა სამოთხისასა შეერთებული, ანგელოზთა თანა
იხარებ და ჰსუფევ ქრისტჳს თანა უკუნისამდე;

გიხაროდენ, მეფეთა ბრწყინვალისა დასისა შუენებაო,
რამეთუ შემდგომად სიკუდილისაჲცა, უმცხინვარეს
მზისთუალისა ჰნათობ ქუეყანასა ჩუენსა;

გიხაროდენ, ღმრთივსულიერო მოღუწეო, რამეთუ

სამარხოდ შენი საწადელი უჩინო-ყო უფალმან,
 ვითარცა წინასწარმეტყელისა და ღმრთისმხილველისა
 მოსწსი;

გიხაროდენ, სიქადულო ერისა შენისაო, რომელმან
 ყოველსა ქუეყანასა განსთქვი ჳმაჲ ქართველთა
 მძლეობისაჲ;

გიხაროდენ, ქართლოსიანთა მიერ მარადჟამს
 ჳსენებულო, რამეთუ არა თუმცა ერი შენი, არამედ
 ქუანიცა ღაღადებენ დიდებასა შენსა;

გიხაროდენ, წმიდაო, კეთილმსახურო მეფეო თამარ!

კონდაკი 13

ჟ, სკიპტრისმპყრობელთა შორის უსაჩინოესო და
 დედათა შორის უსათნოესო, მეფეო თამარ,
 მიითუალენ აწ გალობანი ესე ჩუენნი, და
 კეთილმსახურებრითა კადნიერებითა ევედრე
 ქრისტესა, ღმერთსა ჩუენსა, ყოველთა ჳირთა და
 განსაცდელთაგან განაგვარინოს ჩუენ და
 განგვსწავლოს, რადთა არა განვეშორნეთ სიმართლისა
 გზისაგან და მცნებათა მისთა არა გარდავხდეთ,
 არამედ მამულისა ჩუენისა კაცთა წესისაებრ,
 მოვიძაგოთ ყოველივე სიცრუვჳ და ანგარებაჲ და
 ყოველნი ერთბამად უფალსა უგალობდეთ: ალილუია.

ეს კონდაკი 3-გზის, შემდგომ